



UKA 2016/58

23. september 2016

Agathe Fontain

**Aalajangiiffigisassatut siunnersuut, Naalakkersuisut misissuinissamut suliakkerneqarnissaat, saqqummiutissallugu innuttaasut aningaasaataannut qanoq sunniuteqartigissanersoq suliaritittussat utaqqisarnerisa annikilliseriaqqinnissaanut suliniut. Misissuineq paasissutissiissaaq suut periarfissaanersut utaqqisut ikilisinnissaannut aammalu aningaasartuutissat suusanersut. Misissuineq siunnersuutinik imaqassaaq.**

(Inatsisartunut ilaasortaq Justus Hansen, Demokraatit)

Suliaritinniarlutik utaqissut ikinnerpaanissaat Inuit Ataqatigiit siunertaaniittuarpoq. Naalakkersuutitaqarnermi 2009-mi immikkut ittumik aningaasaliisoqarpoq, ukiunilu 2009-miit utaqqisut malunnaatilimmik ikiliartuleraluarput. Ajoraluartimik 2013 kingorna immikkut ittumik aningaasaliisarneq milliartortinneqalermalli, kiisa ullumikkut immikkut ittumik aningaasaliisarneq unitsinneqarpoq. Soorlu Naalakkersuisoq akissuteqarnermini 12 mio.kr.-iniit 9 mio. koruuninut appartinneqarsimasut ersersikkaa.

Erseqqissarlarput, immikkut ittumik aningaasaliinngikkaanni utaqqisut ikiliartornaviangimmata, nalinnginnaasumimmi utaqqisunut aningaasat atugassat kisiisa isumalluutigigaanni, utaqqisunik nutaanik amerleriaateqartuaannassammata.

Sivisujaamik utaqqisoqartarnera qanoq nunatsinnut kinguneqartarpa? Arlaqaleqaat utaqqikatallutik, DK-mut nuussimasut. Inuit nunatsinni atorfissaqartitagut, amerlasuut Qeersaat guldtut nalillit. Tamatuma kinguneranik nuanatsinni pingaaruteqarluinnarttut ikiliartorlutik.

Ilumoorpoq, inuit sulisinnaasut amigaatigisagut, utaqqisillugit sulinngitsoortikkutigit asuli atulutitsissaagut. Utaqqisut sivisuallaamik utaqqipata, suliaritikkunik kingunipiloqartitsinnaaneq qaninnerussaaq.

Utaqqisut ilaqarput, utaqqingaaramik suli utaqqiniarlutik, siusinaarlutik sulisinnaajunnaartariaqalersut, taamatut pisoqartillugu, inuiaqatigiinnut asuli aningaasartuutissanik pilersitsisarpugut. Taammaattut tassaapput, siusinnaarluni pensionisiaqarnermi aqqissuussinermi periusssiassaagaluit.

Siunnersuuteqartoq Justus Hansen, misissueqqusivoq, naatsorsuutigalugu aningaasat 500.000-1.000.000 kr. tungaanut misissuineranut atussasut.

Taakku aningaasat atorlugit qassit suliaritissinnaappat? Inuit Ataqatigiit ilisimavarput, utaqqisut pillugit Naalakkersuisoqarfimmi ilisimasaqareersut naammattumik. Suliaritittussanununa aningaasat ikippallaartut.

Siunnersuuteqartorli qutsavigaarput, suliassaq eqqartugassanngornagu, neriuppugut imatut kinguneqarumaartoq, utaqqisunut aningaasaliissutit amerlineqarlutik, utaqqisullu ikiliartortinneqalissasut.

Taamaalilluta siunnersuummi misissuinissaq akuersaanngikkaluarlugu, ataatsimiititaliami oqalliseeqataarusupput utaqqisunut aningaasaliissutaasartut qaffanneqarnissaat pillugu.